

NYUMBA YA HAKI YA ULIMWENGU

28 Desemba 2010

Barua kutoka Nyumba ya Haki ya Ulimwengu
Kwa Kongamano za Bodi za Washauri wa Bara

Marifiki wapendwa Sana,

1. Miaka kumi na tano imepita tangu, katika tukio kama hili, tuliwadokezea Washauri waliokuwa wamekusanyika katika Nchi Takatifu, njia ambayo ingefuatwa na jumuiya ya Baha'i kama ingalichapuzwa michakato miwili ya upanuzi na uimarishaji – njia ambayo uzoefu wake uliokusanywa umeiandaa kusonga mbele kwa uhakika. Hakuna haja ya kuongelea umbali tulioufikia katika muongo mmoja na nusu. Kumbukumbu za mafanikio zinajieleza zenyewe. Leo tunawakaribisha kuanza maongezi ya hatua itakayofuata ya mpango kabambe ambao umebebwa na ulimwengu wa Kibaha'i, hatua itakayo anza katika Ridván 2011 hadi Ridván 2016, inayounda moja ya mfululizo wa Mipango miwili ya Miaka Mitano ambayo itachapuzwa kwenye uadhimishwaji wa miaka mia moja ya uzinduzi wa Zama za Utungo wa Imani. Kwenye siku zijazo mnatakiwa kuunda taswira wazi ya jinsi Washauri na Wasaidizi wao watakavyosaidia jumuiya katika mafanikio yake yasiyo ya kawaida – wakipeleka katika maeneo mengine mbinu za utendaji, mbinu za ufundishaji ambao umeweza bila mashaka yoyote kuainisha juhudi zake za ufundishaji, kupata uwezo unaohitajika kutumia kwa kiwango cha juu cha uthabiti vyombo na mbinu ambazo imezikuza kwa umakini mkubwa, na kuongeza zaidi kabisa kuliko matarajio yote ya awali idadi za safu za wale, wanaoishi kwenye muono wa Imani, wanaendelea kutumia nguvu zao zote katika kufuatilia lengo lake lililotolewa na Mungu.

2. Katika ujumbe wetu wa Ridván mwaka huu, tumeeleza utaratibu wa mchakato wa ujifunzaji ambao, kupitia Mipango minne ya mafanikio ya ulimwengu, umeendelea kuongeza mwendo, kuboresha uwezo wa marafiki kushughulika katika utendaji wa mashinani. Muonekano wa muono wa Imani kutoka kwenye sehemu hii ya ubora kwa hakika ni mzuri. Zaidi ya roho 350,000 ulimwenguni kote ambazo zimemaliza kozi ya kwanza ya taasisi, uwezo wa kuunda muumbo wa ruwaza ya maisha inayojipambanua kwa sura yake ya kiibada umeongezeka sana. Katika mandhari tofauti, katika kila bara, makundi ya waumini yanaunganika na wengine katika ibada, wakigeuzia mioyo yao kwa unyenyekevu katika maombi kwa Muumba wao, wakiomba kwenye msaada wao kutoka kwa nguvu zile za kiroho ambazo kutoka kwazo utekelezaji unaofaa wa juhudi zao za mtu binafsi na za ujumla hutegemea. Takriban ongezeko la karibu mara mbili la waalimu wa akiba wa madarasa ya watoto katika kipindi cha miaka mitano, kufikisha idadi ya waalimu kuwa 130,000, limeiwezesha jumuiya kujibu kwa moyo mkunjufu matarajio ya kiroho ya vijana. Ukunjukaji wa ongezeko la mara sita la uwezo katika kipindi hicho hicho cha kuwasaidia vijana chipukizi kuvuka hatua muhimu ya maisha yao huleta dalili za kiwango cha uwajibikaji kwa kikundi hicho. Na zaidi ya hapo, kila mahali idadi kubwa tu ya marafiki hujikuta tayari kuingia katika mazungumzo na watu wa asili anuai na shauku tofauti na kuwachukulia wao katika utafiti wa uhalisi unaoibua uelewano wa pamoja wa mahitaji ya kipindi hiki cha historia ya jamii ya wanadamu na mbinu za kuyashughulikia. Na uendelezaji wa mtawanyiko wa kiutaratibu wa

shughuli za msingi ulimwenguni, siyo kwa uchache wa nusu ya washiriki milioni moja kwa muda fulani, ni jitihada za marafiki 70,000 wanaoweza kutumikia kama wakufunzi wa vikundi vya mafunzo.

3. Kama ilivyowekwa wazi katika ujumbe wetu wa Ridván, katika utaratibu ambao umeundwa kwa jinsi hii kukuza rasilimali watu wake, jumuiya ya Jina Kuu kabisa inamiliki chombo kisichokuwa na ukomo wa uwezo. Katika upana wa hali anuai, katika takriban kila klasta yeyote, upo uwezekano katika kiini kinachoendelea kupanuka cha watu binafsi kuanzisha mjongeo kuelekea lengo la Utaratibu Mpya wa Ulimwengu. Mwongo mmoja uliopita, tulipotambulisha wazo la klasta – uundaji wa kijografia uliokusudiwa kurahisisha fikra za ukuaji wa Imani – tulitoa muundo wa awamu nne kubwa kuelekea njia ya ukuaji wake. Kadri jumuiya ya Baha’i ilivyoanza kutekeleza maagizo ya Mpango, muundo huu ulithibitika kuwa wenye kutoa uhalisia na maana kwa kile cha umuhimu kwenye michakato inayoendelea. Tajiriba ya kutosha ambayo tangu ilipoongezwa kusaidia waumini sasa inawawezesha waumini kufikiria mjongeo wa idadi ya watu ambao unaochagizwa na nguvu za kiroho ziongezekazo, katika hali ya uendeleaji mzuri unaozidi kukua. Marudio mafupi ya mchakato unaondelea kukunjuka katika klasta, ingawa unajulikana kwenu nyote, utasaidia kukazia asili yake ya kimsingi.

Mpango wa ukuaji

4. Bila shaka, fursa zinazopatikana kupitia hali za binafsi za waumini waliohusika hapo awali – au pengine mtangulizi mmoja wa ndani – kuingia katika maongezi ya maana na ya aina yake pamoja na wakaazi wa mahali huonesha jinsi mchakato wa ukuaji unavyoanza katika klasta. Kundi la mafunzo la marafiki wachache au wafanyakazi wenzi, darasa linalotolewa kwa watoto kadhaa wa ujirani, kundi linaloundwa kwa ajili ya vijana chipukizi baada ya saa za shule, mkutano wa ibada kuwakaribisha ndugu na marafiki – yoyote mojawapo kati ya hizo huweza kutumika kama kichocheo cha ukuaji. Kinachofuata hapo hakiwezi kutabirika. Hali inaweza kulazimisha kwamba shughuli moja ya kimsingi ipewe kipaumbele, ambayo inakua haraka kuliko nyinginezo. Pia upo uwezekano wa shughuli zote nne za kimsingi kuendelea sambamba vizuri tu. Timu zinazofanya ziara zinaweza kukaribishwa kuchochea mfululizo wa shughuli changa. Lakini bila kujali hali maalum matokeo yake lazima yalingane sawasawa. Ndani ya kila klasta, kiwango cha mwambatano unaopatikana miongoni mwa shughuli za kimsingi lazima uwe kwa namna ambayo, katika ujumla wake, mpango wa mwanzoni kwa ajili ya upanuzi na uimarishaji kudumishwao wa Imani unaweza kutambulika. Hivyo ni kusema kwamba, katika muunganiko wowote ule na hali yoyote iwayo ya uchache wa idadi yake, mikutano ya ibada, madarasa ya watoto, vikundi vya vijana chipukizi, vinadumishwa na wale waendeleao kupitia mfululizo wa kozi za taasisi na wamejidhatiti kwenye maono ya mabadiliko wanayoyaendeleza ya mtu binafsi na ya pamoja. Mtiririko huu wa mwanzo wa rasilimali watu katika uga wa utendaji wenye mpangilio unaonesha alama ya lengo la kwanza miongoni mwa malengo kadhaa katika mchakato wa ukuaji unaodumu.

5. Asasi zote na mawakala zinazoendelea kusudi la mfululizo wa hivi sasa wa Mpango ya kiulimwengu huhitaji kutumia kiasi fulani cha uchangamfu ambao kuzaliwa kwa mahitaji kama haya ya mchakato uendeleao kama huu – lakini hakuna wanaopaswa kufanya hivyo zaidi kuliko Washauri Wasaidizi. Ni jambo la msingi kabisa katika utendaji wa kila Mshauri Msaidizi pamoja na idadi inayoendelea kuongezeka ya wasaidizi wake, kuwasaidia marafiki kuona taswira ya tukio hili muhimu la mwanzo, na wingi wa mbinu ambazo zinaweza kutumika kulifikia. Katika jambo hili, kama vile katika kazi zao zote, lazima waoneshe upana wa maono na usafi wa mawazo, unyumbulifu na ubunifu wa kujituma. Sharti wasimame bega kwa bega na marafiki, wakiwasaidia katika juhudi zao na wakishiriki katika furaha zao. Baadhi ya marafiki hawa watasogea haraka

sana katika safu ya mbele ya shughuli, wakati huo wengine watajaribu kupiga hatua mbele zaidi; hata hivyo wote huhitaji msaada na hamasa, ambavyo hutolewa siyo tu kidhahania bali katika misingi ya ule uelewa wa karibu upatikana tu kwa kufanya kazi sambamba katika uwanja wa huduma. Imani katika uwezo wa kila mtu aoneshaye hamu ya kutoa huduma itajidhihirisha kuwa jambo la lazima katika jitihada za wale amabao wanajitahidi kupata ushirikiano wa moyo wote kutoka kwa waumini katika Mpango. Upendo usiokuwa na masharti ambao ni huru kutokana na ubaba utakuwa wa lazima ikiwa wao wanataka kuusaidia usuasujaji kugeuka kuwa ujasiri ambao huzaliwa kutoka na kumtegemea Mungu na kubadili hamu ya kupata msisimko kugeuka kuwa uthabiti katika utendaji wa muda mrefu. Uamuzi uliotulia ni muhimu kabisa kadri wanavyojitahidi kuonesha jinsi vikwazo vinaweza kugeuzwa kuwa ngazi za kupandia kwa maendeleo. Na utayari wa kusikiliza, kwa umakini wa kiroho wa juu kabisa, utakuwa wenye thamani isiyopimika katika kubaini vikwazo vinavyoweza kuzuia baadhi ya marafiki kufurahia utendaji wa lazima wa pamoja.

Ushadidi uongezekao

6. Ni muhimu kuzingatia kwamba, kadri mpango wa ukuaji unavyoendelea kuletwa katika uwepo, roho ya jumuiya inayoanza kuibuka huanza kutumia ushawishi wake juu ya jinsi matukio yanavyotokea. Kama shughuli zikiwa zimesambaa katika klasta nzima au zinafanyika katika kijiji kimoja au ujirani, hisia ya kusudi moja huainisha jitihada za marafiki. Kiwango chochote kile cha uendeshaji unaotumika kupitisha udhihirisho wa mapema wa roho hii, ongezeko la kiuratibu la shughuli za kimsingi hudai kuwa lazima viwango vya juu zaidi vifikiwe mapema. Kupitia hatua mbalimbali, muundo mkubwa zaidi uliotolewa kwa shughuli, na uanzishwaji, uliowekwa kwa ukubwa na uamuzi wa mtu binafsi kabla, na sasa umepewa sura ya pamoja. Kundi la Waratibu ambao wameteuliwa na taasisi huingia ulingoni – wale kwa ajili ya vikundi vya mafunzo, kwa ajili ya vikundi vya vijana chipukizi, na wa madarasa ya watoto. Mpangilio wowote wa uteuzi ni wa umuhimu unakubalika. Utambuzi makini kabisa wa hali halisi ndio pekee unaoweza kufanya uteuzi huu, kwa sababu kinachotakiwa hapa siyo tu utii kwa orodha ya utaratibu fulani bali ni ukunjukaji wa mchakato wa kielimu ambao umeanza kuonesha nguvu zake za kuleta uimarishaji wa kiroho kwa idadi kubwa ya watu.

7. Sambamba na usitawishaji wa mbinu za kuhimili mchakato wa taasisi, miundo mingine ya kiutawala taratibu inaanza kupata muumbo. Kutoka katika mikutano ya mara kwa mara ya waumini wachache huibuka majadiliano ya kawaida ya kiini cha kimsingi kinachoendelea kupanuka cha marafiki wanaohusika kuingiza katika uga wa huduma kiasi cha akiba ya nguvu inayoendelea kuongezeka. Kadri mchakato wa ukuaji unavyozidi kuongeza mwendo, mpangilio wa aina hii hatimae hushindwa kukidhi mahitaji ya ufanyaji mipango na ufanyaji maamuzi, na Kamati ya Ufundishaji ya Eneo huundwa, na mikutano ya tafakari hugeuka kuwa asasi. Katika utendaji wa pamoja wa Kamati, taasisi huanza kufanya kazi – pamoja na nguvu zilizokuwemo ndani yake zinazohitajika kuraghibu mtiririko unaofaa wa mwongozo, fedha, na taarifa. Hivi sasa, mchakato wa ukuaji katika klasta utafuata mwenendo uliowekwa na duru dhahiri za upanuzi na uimarishaji, ambazo, huwekwa vituo kila miezi mitatu na mkutano wa kutafakari na kupanga, zinaendelea kukunjuka bila kukatishwa.

8. Hapa tena, ni juu ya Washauri Wasaidizi na asasi nyingine husika na mawakala, kama vile Halmashauri za Kanda na Bodi ya Taasisi, kuhakikisha kuwa miundo ya kiutawala inayoundwa katika klasta iwe na tabia zinazohitajika. Hususan, mfululizo wa kozi ambazo tumeshauri zitumiwe na taasisi kila mahali, ambazo zinaraghibu kwa namna inayofaa sana mchakato wa mbadiliko unaoendelea, umepangiwa kuunda mazingira mapokevu mara moja kwa ushirikiano wa ujumla na uhimili wa pamoja na msaada. Asili ya mahusiano miongoni mwa watu binafsi katika mazingira

haya, juu ya wote wale ambao hujihesabu kati ya wale watembeao katika njia moja ya huduma, ilielezwa kwa kifupi katika ujumbe wetu wa Ridvan. Pia tuliashiria kuwa mazingira kama hayo hayaepukani na kuathiri masuala ya kiutawala ya Imani. Kadri idadi inayoongezeka ya waumini inavyoshiriki katika ufundishaji na katika kazi za utawala, zinazofanywa kwa mwelekeo wenye unyenyekevu wa ujifunzaji, wanapaswa kuona kila kazi, kila mwingiliano, kama fursa ya kuunganisha mikono katika utafutaji wa maendeleo na kusindikizana katika jitihada zao kuitumikia Hoja. Katika njia hii msukumo kwenye usisitizaji kupita kiasi utaachwa. Kwa njia hii ile tabia ya kupunguza mchakato wenye utata wa ubadilikaji kuugeuza ukawa wenye hatua za kirahisi, unaotegemea maagizo ya kitabu cha mwongozo, itaepukika. Utendaji tulivu umewekwa katika muktadha huu, na hata hatua ndogo kabisa imepewa maana. Utendaji wa majeshi ya kiroho katika ulingo wa utumishi huendelea kuwa wazi, na mafundo ya urafiki, muhimu sana katika mtindo wenye afya wa ukuaji, huendelea kuimarishwa.

9. Katika mandhari hii ya mchakato inayoendelea kukunjuka, miundo inayoendelea kuibuka, na udugu wa kudumu, muda ule ambao umekuja kujulikana kama “uzinduzi” wa mpango kabambe wa ukuaji kuwakilisha utambuzi wa makusudi kuwa masuala yote yanayohitajika kuchapuza upanuzi na uimarishaji Imani, siyo tu yamo katika nafasi zinazotakiwa bali pia yanafanya kazi kwa kiwango cha kutosha cha ufaaji. Huashiria ukomaavu wa utaratibu unaoendelea kupanuka daima, unaojidumisha kwa ajili ya kuuadilisha umati fulani: mfululizo usiokatishwa wa waumini unaendelea kupitia katika kozi za mafunzo ya taasisi na kufanya shughuli ambatanishi, kitu ambacho, katika kuwepo kwake huongeza idadi ya waumini wapya katika Imani, ambao asilimia kubwa yao huingia katika mchakato wa taasisi, wakihakikisha upanuzi wa utaratibu. Hii huunda hatua nyingine kwamba marafiki lazima wajishughulishe katika kila klasta, kwa wakati, kuifikia.

10. Katika kurudia mengi yaliyotajwa katika matukio yaliyopita, tunatumaini kuwa tumewasisitizia ni jinsi gani utendaji wa umati fulani unavyoweza kulelewa kwa urahisi kwa kushajihishwa kwa kusudi na kanuni za Hoja, ikiwa usogeaji huo hautafanywa kuwa chombo cha mkanganyo usio muhimu. Hatujidanganyi kuwa njia tulioichora bila kukawia hapo juu haina matatizo. Maendeleo hupatikana kupitia upishanaji wa lahaja wa matatizo na mafanikio, vikwazo haviepukiki. Upunguaji katika ushirikiano, uvurugaji wa duru za shughuli, kwa muda mfupi kushindwa kutimiza wajibu katika mafundo ya umoja – haya ni miongoni mwa changamoto nyingi mno ambayo huenda yatapaswa kukabiliwa. Siyo nadra kuwa katika uinukaji wa nguvu kazi, au uwezo wa kuwakusanya, hautakidhi mahitaji ya upanuzi wa kasi. Hata hivyo kulazimisha fomula juu ya mchakato hautaleta matokeo ya mtindo wa ukuaji unaobainishwa na mizania inayotakiwa. Ukosefu wa mizania wa muda katika mtindo wa ukuaji wa shughuli mbalimbali ni sehemu nyeti za mchakato, na huwekwa sawa kadri muda upitavyo, ikiwa utachukuliwa kwa subira. Kurudisha nyuma shughuli moja inayoshamiri, kwa misingi ya mawazo ya kinadharia kuhusu jinsi ukuaji wenye mizania unavyoweza kupatikana, aghalabu huwa na matokeo yasiyoleta mafanikio. Wakati marafiki katika klasta wangeweza kufaidi kabisa kutokana na uzoefu wa wale ambao wameshasitawisha mitindo inayohitajika ya utendaji, ni kupitia utendaji endelevu peke yake, tafakari na ushauriano kwa upande wao kuwa wataweza kujifunza kusoma uhalisi wao wenyewe, kuona fursa zao wenyewe, kutumia mali na vyanzo vyao wenyewe, na kuitikia kwa mahitaji ya upanuzi na uimarishaji wa kiwango kikubwa ambao unatarajiwa kuja.

11. Leo hii, zipo takriban klasta 1,600 duniani kote ambamo marafiki wamefanikiwa kuunda mtindo wa utendaji unaombatana na mpango kabambe wa ukuaji. Ingawa ni muhimu, ufanisi huu hauwezi kwa vyovyote kuchukuliwa kuwa mwisho wa mchakato ambao umeongeza mwendo katika kila klasta. Mipaka mipya ya ujifunzaji sasa ni wazi kwa marafiki, ambao wanaombwa kutoa nguvu zao katika uundaji wa jumuiya hai, zinaendelea kukua na kuakisi zaidi na zaidi taswira ya

Baha'u'llah kwa ajili ya jamii ya wanadamu. Klasta kama hizo pia zitahitaji kama akiba ya watu wenye uwezo wa kuwa watangulizi ambao wanaweza kupelekwa, kwa kiasi kikubwa katika maeneo ya ndani ya nchi, kutoka klasta hadi klasta, wakimimina katika baadhi ya klasta hizo, mionzi ya kwanza ya mwangaza wa Ufunuo Wake na wakiimarisha uwepo wa Imani katika klasta nyinginezo, kuwawezesha wote kuendelea kwa haraka kufikia lengo la kwanza lililomo katika njia ya maendeleo, na kwenda mbele zaidi. Tukiwa na jambo hili akilini, tutaita jumuiya ya Jina Kuu Kabisa katika Ridvan ya 2011, kuinua katika miaka mitano ijayo idadi jumla ya klasta ambamo mpango wa ukuaji unaendelea, kwa kiwango chochote cha ushadidi, kufikia 5,000 idadi ambayo ni takriban theluthi moja ya klasta zote ulimwenguni.

Mipaka ya ujifunzaji iongezekayo

12. Tulichokieleza katika vifungu vilivyotangulia na katika jumbe nyingi mno katika muongo moja na nusu uliopita kinaweza kuangaliwa kama milolongo ya hivi karibuni kabisa ya mbinu za ukuaji wa jumuiya ya Kibaha'i, kila kimoja kinafaa hali maalum ya kihistoria. Mchakato huu wa ukuaji ambao unasukumwa na utakatifu ulianzishwa na hamasa iliyoanza katika Chimbuko la Imani zaidi ya miaka mia moja na sitini iliyopita, wakati maelfu walipopokea wito wa Siku Mpya, na kupokea msukumo kupitia jitihada zilizofanywa na waumini wa mwanzo kupeleka ujumbe wa Baha'u'llah katika nchi jirani za Mashariki na sehemu zilizosambaa za Magharibi. Mchakato huu ulipata muundo mkubwa zaidi kupitia Nyaraka za Mpango Mtakatifu uliofunuliwa na Abdu'l-Baha na kuongeza mwendo kadri marafiki walivyo sambaa kwenda kila mahali ulimwenguni kwa mpangilio chini ya mwongozo wa Mlinzi kusitawisha vituo vidogo vya shughuli za Kibaha'i na kuinua nguzo za mwanzo za Utaratibu wa Kiutawala. Ulikusanya nguvu katika maeneo ya vijiji vya ulimwenguni kadri jumuiya za watu wengi zilipoikumbatia Imani, lakini ilipunguza mwendo sana kadri marafiki wakivyojitahidi kugundua mikakati ya kudumisha upanuzi mpana zaidi na uimarishaji. Na kwa muda wa miaka kumi na tano sasa, mwendo umeendelea kuongezeka tangu tulipotoa wito mwanzoni mwa Mpango wa Miaka Minne wa Ulimwengu wa Kibaha'i kuweka katika utaratibu kazi ya ufundishaji juu ya misingi ya uzoefu uliokwisha patikana kupitia miongo ya ujifunzaji mgumu lakini wenye thamani isiyokadirika. Kwamba njia ya sasa ya ukuaji, kwa uhakika kama ilivyo, inahitaji kukua zaidi katika masuala yenye utata na ya kisasa mara inapokuwa imekita mizizi katika klasta mojawapo, na kuonesha kwa umakini mkubwa zaidi "nguvu ijengayo jamii" iliomo ndani ya Imani, wachache watashindwa kutambua.

13. Tukirejea kwenye maendeleo ya jumuiya ya Kibaha'i ya ulimwengu, ni mara ngapi mpendwa Mlinzi aliwahasisha marafiki kuendelea kuwa thabiti katika kusudi lao na kustahamili katika juhudi zao. "Wakitambua kabisa wito wao wa hali ya juu, wakiadini kuwa uwezo wa kujenga jamii iliomo katika Imani," aliandika kwa kuridhika, "wao husonga mbele, bila kizuizi wala kukata tamaa, katika jitihada zao kubumba na kukamilisha vifaa muhimu ambamo Utaratibu mchanga wa Ulimwengu wa Bah'u'llah ungeweza kukomaa na kukua." "Ni mchakato huu wa ujenzi, wa polepole, na usiojionesha," aliwakumbusha, unaotengeneza "ni tumaini moja" la jamii ya wanadamu iliyopoteza imani. Ya kwamba mchakato huu utaendelea kuongeza upana na ushawishi na Utaratibu wa Kiutawala huonesha muda ufikapo "uwezo wake wa kuchukuliwa siyo tu kama kitovu bali mtindo wenyewe wa Utaratibu Mpya wa Ulimwengu" ni wazi kutokana na maandiko yake. "Katika ulimwengu ambao muundo wake wa kisiasa na asasi za kijamii umeharibika, ambao mtazamo wake umepata ukungu, ambao akili yake imechanganyikiwa, ambao taratibu zake za kidini zimepungukiwa uhai na zimepoteza maadili," alisisitiza kwa nguvu, "Chombo hiki kiponyacho, Uwezo huu utiao chachu, Nguvu hizi ziimarishazo, hai kwa ukali mkubwa na kilichopo kila mahali," kinaanza "kupata umbile", kinaendelea "kuonekana kwa uwazi katika asasi," na "kinakusanya nguvu zake".

14. Kinachotakiwa kuwa wazi ni kwamba, kama Utaratibu wa Kiutawala utatumika kama mfano kwa jamii ya siku za mbele, basi hapo jumuiya ambamo inaendelea kukua siyo tu inapaswa kupata uwezo wa kukabiliana na masuala yanayozidi kuwa mazito ya kidunia na ya kiroho, bali pia kukua zaidi katika ukubwa wake. Itakuwaje vinginevyo? Jumuiya ndogo, ambayo wajumbe wake wanameunganishwa na imani zao wanazogawana, ikiainishwa na mawazo yao ya juu, inayofaa katika kuendesha shughuli zake na kulea mahitaji yake, na pengine ikiwa inajihusisha na miradi kadhaa ya kiutu – jumuiya kama hiyo, yenye ufanisi lakini inayojitenga kwa umbali fulani na uhalisi wanaoupata wengi wa jamii ya wanadamu, haiwezi kamwe kutarajia kutumika kama mfano wa kuigwa wa ukarabati wa jamii nzima. Ya kwamba jumuiya ya Kibaha'i ya ulimwengu imeweza kuepukana hatari za kubweteka kwa kujiridhisha ni chanzo cha furaha ya kudumu kwetu. Hakika, jumuiya imeshikilia vizuri hatamu za upanuzi na uimarishaji. Hata hivyo, kuendesha shughuli za idadi kubwa ya vijiji na miji kote duniani – kuinua juu bendera ya Utaratibu wa Ulimwengu wa Baha'u'llah ili wote waione – bado ni lengo la mbali.

15. Humo, kwa hiyo ndimo kuna changamoto ambayo lazima ikabiliwe na wale walioko katika safu za mbele kabisa za mchakato wa ujifunzaji ambao utaendelea kwenda mbele katika kipindi cha Mpango ujao. Popote pale palipositawishwa mpango kabambe wa ukuaji, marafiki wasijizuie kabisa katika juhudi zao kuongeza kiwango cha ushirikiano. Wanapaswa kukaza neva zote kuhakikisha kuwa utaratibu huu ambao wanapaswa kuinua kwa jitihada kubwa haujikunji wenyewe bali hupanuka kwa uendeleu kukumbatia watu wengi zaidi. Kamwe wasipoteze taswira ya upokevu wa ajabu walioupata – la, hisia ya shauku kubwa iliyowasubiri – kadri walivyoendelea kujenga imani katika uwezo wao wa kuchanganyika na watu wa kila hali ya maisha na kuongea nao juu ya Utu wa Baha'u'llah na Ufunuo Wake. Lazima washikilie kwa uthabiti uhakika kuwa uwasilishaji wa moja kwa moja wa Imani, unapokuwa umefanywa kwa kina cha kutosha na kuimarishwa na mbinu imara ya uimarishaji, unaweza kuleta matokeo yenye kudumu. Wasisahau kamwe masomo waliyopata zamani ambayo hayakuacha mashaka yoyote kwamba kundi dogo la watendaji hai wa Hoja, hata wakiwa na ubunifu wa aina gani, japo wakijitolea kiasi gani, hawawezi kukidhi mahitaji ya jumuiya ambazo zina mamia, au maelfu ya wanaume, wanawake na watoto. Matokeo ni dhahiri kabisa. Kama katika klasta, idadi ya wale wanaobeba majukumu ya upanuzi na uimarishaji inafika makumi, pamoja na ushirikiano wa mamia machache katika shughuli za maisha ya jumuiya, basi idadi zote zinatakiwa kuongezeka sana ili hadi kufikia mwisho wa Mpango, watu mia moja au mbili wanaraghibu ushirikiano wa watu elfu moja au mbili.

16. Yatia moyo kuona kwamba, tayari katika klasta 300 miongoni mwa 1,600 ulimwenguni kote ambazo zina mipango kabambe wa ukuaji, waumini wameingia katika uga mpya wa ujifunzaji ambao umefunguliwa kwao, na katika zaidi ya chache, wanapanua mipaka yao. Ni wazi kuwa, katika klasta zote kama hizi, uimarishaji wa michakato ya kielimu imewekwa katika mjongeo na taasisi ya mafunzo, kila moja yenye vigezo vyake – madarasa yaliyoendelea kuwepo kwa kawaida kwa ajili wanajumuiya wachanga kabisa wa jamii, vikundi vilivyosukwa vizuri vya vijana chipukizi, na vikundi vya mafunzo kwa ajili ya vijana na watu wazima – ni yenye umuhimu mkubwa. Kiasi kikubwa cha mahitaji ya kazi hizi kiliongelewa katika Ujumbe wa Ridvan. Bila kuwekwa pembeni, baada ya kushuhudia moja kwa moja athari za mabadiliko ya mchakato wa taasisi, marafiki katika klasta kama hizo wanajitahidi kupata utambuzi wa karibu zaidi wa miundoelimu ambayo ndio misingi yake – roho ya udugu inayounda, mbinu ya ushirikiano inayotumia, kina cha uelewa inachokileta, vitendo vya huduma inayopendekeza, na, juu ya yote, mategemeo yake juu ya Neno la Mungu. Kila jitihada inafanyika kuhakikisha mchakato huu unaakisi "upatano wa uwepo" na "utekelezaji", kitu ambacho kozi za taasisi huweka wazi; umuhimu wautiliao kwa ujuzi na utendaji wake; uzito wautiliao juu ya kuepukana na masuala

yenye utengano; mkazo wautiao juu ya kukariri Neno Hai; na tahadhari waitumiayo katika kuinua akili hai, bila kuamsha ubinafsi wenye ung'anganizi.

Kukuza uwezo wa kiutawala

17. Ingawa masuala ya msingi ya mchakato wa ukuaji hayabadiliki katika klasta zilizo mbele katika ujifunzaji, ile idadi ya watu peke yake huhitaji mipango yenye mpangilio kubeba uzito wa kiwango cha juu zaidi. Mambo mapya mengi yameshatambulishwa, juu ya misingi ya mambo yote mawili, mazingatio ya kijografia na ongezeko la kiidadi. Mgao wa klasta kuwa sehemu ndogo zaidi, mamlaka ya mikutano ya tafakari, kazi za kufanya za wasaidizi wa waratibu wa taasisi, utumaji wa timu za marafiki wenye uzoefu kuwahimili wengine uwanjani – hii ni baadhi ya mipango ambayo imefanyika hadi sasa. Tuna imani kabisa kuwa, kwa usaidizi wenu unaofaa, Kituo cha Ufundishaji cha Kimataifa kitafuatilia maendeleo yatakayotokea katika kipindi cha Mpango unaofuata, ukisaidia kuimarisha masomo yaliyopatikana, kuwa njia zilizothibitika vyema na vyombo vilivyo hakikishwa vizuri. Kwa hatima hii, ninyi na wasaidizi wenu mtahitaji kujenga mazingira yanayowahamasisha marafiki kuwa wenye mpangilio lakini bila kuwa wenye misimamo mikali, wabunifu lakini siyo holela, wenye uamuzi lakini bila haraka, waangalifu lakini wasio shikilia madaraka, wakitambua kuwa katika uchambuzi wa mwisho, siyo mbinu bali ni umoja wa wazo, utekelezaji thabiti, na kujitoa kwa ujifunzaji ndivyo vitakavyoleta maendeleo.

18. Yoyote iwayo asili ya mipangilio iliyofanywa katika ngazi ya klasta kwa ajili ya kuratibu shughuli za kiwango kikubwa, maendeleo endelevu yatategemea juu ya ukuaji wa Mabaraza ya Kiroho ya Kijiji na juu ya uwezo unaondelea kukua wa Halmashauri za Kanda za Kibaha'i na hatimae Mabaraza ya Kiroho ya Kitaifa. Katika ujumbe wa Ridvan tumeeleza furaha yetu katika kutanabahi uwezo unaoendelea kukua wa Mabaraza ya Kitaifa, na tunaangalia miaka mitano ijayo kwa matumaini, kwa uhakika kuwa tutaona hatua kubwa kwenda mbele katika muktadha huu. Zaidi ya hayo, hatuna shaka kwamba sambamba na Mabaraza ya Kitaifa, ninyi mtaweza kusaidia Halmashauri za Kanda kuboresha uwezo wao wa kiasasi. Hivi sasa vipo vyombo kama hivyo 170 katika mataifa 45 ulimwenguni kote, na idadi yao hainabudi kuongezeka katika kipindi cha mpango ujao. Itakuwa lazima kuwa Halmashauri za Kanda ziweke umakinifu wa karibu katika utendaji wa taasisi ya mafunzo na ufanyaji kazi wa Kamati za Ufundishaji za Maeneo. Kwa kuzingatia hili, wataona kuwa watahitaji kuunda na kuboresha mikakati ambayo itasaidia kuendeleza ruwaza ya ukuaji unaokunjuka katika ngazi ya klasta na mchakato wa ujifunzaji pamoja nao. Hii itajumuisha ofisi ya kanda inayofanya kazi ipasavyo ambayo itampatia katibu mhimili wa kimsingi wa mpangilio; utaratibu imara wa hesabu ambao unabeba njia mbalimbali za mtiririko wa fedha kuelekea na kutoka kwa klasta; njia inayofaa ya mawasiliano ambayo inafikiria uhalisi wa maisha ya vijijini na ujirani; na panapohitajika, kujenga miundo mbinu itakayo rahisisha shughuli iliyoshadidishwa na yenye kumakinikiwa. Kilicho cha muhimu kukiri katika muktadhana huu ni kwamba ni hapo tu ambapo Halmashauri zenyewe zitaingia katika utekelezaji wa mchakato wa ujifunzaji, ndipo mbinu hizi zitathibitika kuwa zenye manufaa. Vinginevyo, ingawa taratibu zinadhaniwa kuwa zimeundwa kuhimili ujifunzaji katika vitendo kwa idadi inayoongezeka ya washiriki katika ujirani na vijijini, taratibu hizi zinazokuzwa zinaweza kabisa kugeuka na kufanya kazi dhidi yake kwa njia ya kichinichini, zikisakama, bila kukusudia, matarajio yanayoinuka kwenye ngazi ya umma.

19. Wakati ushirikiano na Mabaraza ya Kiroho ya Kitaifa na Halmashauri za Kanda utakuwa mojawapo katika masuala ya kimsingi yanayowahusu, wasaidizi wenu watapaswa kuelekeza nguvu zao zaidi na zaidi kuelekea uendelezaji wa uwezo wa kiasasi katika ngazi ya mahali, ambapo mahitaji ya ujenzi wa jumuiya yanajidhatiti yenyewe pasipo kukosea. Katika kuwasaidia

kuona taswira ya kilichoko mbele ya Wasauri Wasaidizi na wasaidizi wao kila mahali, haswa katika klasta zenye kuwa na upanuzi mkubwa na uimarishaji, tunawaombeni kutafakari, kwanza, juu ya maendeleo ya Mabaraza ya Kiroho ya Kijiji katika maeneo mengi ya vijiji vya ulimwengu, ambamo zinapatikana nyingi za klasta kama hizi. Kama mnavyotambua, aghalabu katika klasta za vijijini ambazo hujumuisha vijiji na labda mji mmoja au miwili, wakati ruwaza ya kiutendaji unaohusika na mpango kabambe wa ukuaji unapokuwa unaanzishwa, juhudi za marafiki hubaki katika maeneo machache. Mpango ukishaanzishwa, hata hivyo, ruwaza inaweza kutanuliwa kwa haraka kutoka kijiji hadi kijiji, kama ilivyoielezwa katika ujumbe wetu wa Ridvan mwaka huu. Mapema katika kila mahali Baraza la Kiroho la Kijiji huzaliwa, na maendeleo yake endelevu hufuata njia sambamba, na yenye kufungamana kwa karibu na mpango kabambe wa ukuaji ambao ni mchanga unaokunjuka katika kijiji hicho. Siyo tofauti na mbadiliko wa sura nyinginezo za mchakato huu, maendeleo ya Baraza la Kijiji yanaweza ueleweka vizuri kwa namna ya ujengaji uwezo.

20. Kinachotakiwa kutokea katika hali ya kwanza ni wazi kabisa. Utambuzi binafsi wa mchakato wa ukuaji unaoongeza mwendo kijijini, unaozaliwa kutokana na juhudi za kila mjumbe katika shughuli za kimsingi, lazima zikusanyike katika akili hai ya pamoja ambayo hutambua yote mawili asili ya mbadiliko unaoendelea na jukumu la Baraza kuuendeleza. Bila shaka, umakini fulani lazima uwekwe katika utendaji fulani wa kimsingi wa utawala – kwa mfano, kufanya mikutano kwa mpangilio wa mara kwa mara, kuendesha Karamu za Siku Kumi na tisa na kuandaa maadhimisho ya Siku Takatifu, kuanzisha mfuko wa mahali, na kufanya uchaguzi kila mwaka kufuatana na kanuni za Kibaha'i. Hata hivyo, haitakiwi kuwa na ugumu kwa Baraza la Kijiji kuanzisha, sambamba na juhudi kama hizi na kwa shinikizo kutoka msaidizi wa Mshauri Msaidizi, kushauriana kama chombo juu ya masuala moja au mawili yanayohusiana mara moja na maisha ya jumuiya: jinsi sura ya kiibada ya kijiji inavyoendelezwa kupitia juhudi za watu binafsi ambao wamemaliza kozi yao ya kwanza ya taasisi; jinsi elimu ya kiroho ya watoto inavyofuatiwa na waalimu waliokuzwa na taasisi; jinsi nguvu zilizomo ndani ya vijana chipukizi zinavyopatikana kupitia mpango wa kuwaimarisha kiroho; jinsi mfumo wa kiroho na kijamii wa jumuiya unavyoimarishwa kadri marafiki wanavyo tembeleana majumbani. Kadri Baraza linavyo shauriana juu ya masuala yaonekanayo kama haya na linavyojifunza kuulea mchakato wa ukuaji kwa upendo na kwa subira, uhusiano wake na Kamati ya Ufundishaji ya Eneo na taasisi ya mafunzo taratibu huimarika katika kusudi moja. Lakini, suala ambalo ni muhimu zaidi ni kwamba litaanza kuweka misingi ambayo juu yake utaweza kujengwa ule uhusiano wenye upendo wa kipekee na wenye mhimili wa kweli, ulioelezwa na mpendwa Mlinzi katika jumbe zake nyingi, ambao Baraza la Kiroho la Kijiji linapaswa kuanzisha na muumini binafsi.

21. Kwa udhahiri, kujifunza kushauriana juu ya masuala mahususi yahusianayo na Mpango wa ulimwengu, hata ukiwa ni muhimu kiasi gani, huwakilisha sehemu moja tu ya mchakato wa kujenga uwezo ambao Baraza la kiroho la Kijiji linapaswa kujihusisha. Maendeleo yake yanayoendelea humaanisha ufuataji wa amri iliyowekwa na Abdu'l-Baha kwamba "maongezi yote ya juu ya masuala ya kiroho yanahusu ufunzaji wa roho, ufundishaji wa watoto, msaada kwa masikini, msaada kwa wanyonge katika matabaka yote ya ulimwengu, wema kwa watu wote, usambazaji wa manukato ya Mungu na utukuzaji wa Neno Lake Tukufu." Ukuaji wake thabiti huhitaji msimamo usiyoyumba kuendeleza maslahi bora kabisa ya jumuiya na uangalifu katika kulinda mchakato wa ukuaji dhidi ya majeshi ya mmomonyoko wa maadili unaotishia kuzuia ukuaji wake. Maendeleo yake endelevu hudai hisia ya uwajibikaji ambayo huenda mbele zaidi duara la ya marafiki na familia zinazohusika na shughuli za kimsingi, kukumbatia watu wote wa kijiji, na kudumisha ukomavu wake wa taratibu ni imani isiyoyumba katika uhakika aliyoutoa

Abdu'l-Baha kuwa atalikumbatia kila Baraza la Kiroho katika mkumbatio wake wa ulezi na ulinzi Wake.

22. Kuhusiana na ongezeko hili la fikra za pamoja ni uwezo unaondelea kuongezeka wa Baraza wa kutathmini vyema na kutumia rasilimali, za kifedha au vinginevyo, yote mawili katika kuhimili shughuli za jumuiya na katika utekelezaji wa majukumu yake ya kiutawala, ambayo kadri muda upitavyo yatajumuisha uteuzi wa busara wa kamati na kukarabati majengo ya kawaida kwa ajili ya shughuli zake. Ni muhimu vilevile kuwa uwezo wake wa kulea mazingira unaleta ushirikiano wa idadi kubwa katika utendaji wa pamoja na kuhakikisha kuwa nguvu zake na vipaji vinachangia katika maendeleo. Katika miktadha yote hii, usalama wa kiroho wa jumuiya yake unatakiwa kuwa wa kwanza kabisa katika akili ya Baraza. Na wakati matatizo yasiyoepukika yatokeapo, ikiwa ni kuhusu shughuli fulani au miongoni mwa waumini, yatashughulikiwa na Baraza la Kiroho la Kijiji ambalo linaaminika kabisa na wanajumuiya kiasi kwamba wote huligeukia bila kusita kupata msaada. Hii humaanisha kwamba Baraza limejifunza kupitia tajiriba jinsi ya kuwasaidia waumini kuweka kando njia zinazowatenganisha za akili ya kivyama, jinsi ya kupata mbegu za umoja hata katika hali zenye kutatanisha na mbaya na jinsi ya kuwalea polepole na kwa upendo, wakati wote likishikilia bendera ya haki.

23. Kadri jumuiya inavyoendelea kukua katika ukubwa na katika uwezo wa kudumisha uhai, tumeashiria huko nyuma kuwa, marafiki watavutiwa katika maisha ya jamii na kupata changamoto kufaidika na mbinu walizozikuza kwa ajili ya kujibu mahitaji ya aina ya masuala yanayozidi kuongezeka yanayokikabili kijiji chao. Suala la mshikamano, muhimu sana katika ukuaji uliopatikana hadi sasa, na la msingi kwa ukuaji wa muundo wa utendaji wa Mpango, sasa unapata sura mpya. Mambo mengi yataliangukia Baraza la Kijiji, siyo kama watekelezaji wa miradi bali kama sauti ya mamlaka ya kiroho, kuhakikisha kuwa, kadri marafiki wajitahidivyo kutekeleza mafundisho ya Imani kuboresha hali hii kupitia mchakato wa utendaji, tafakari na ushauriano, ukamilifu wa jitihada zao hauharibiwi.

24. Ujumbe wetu wa Ridvan ulieleza tabia chache za utendaji wa kijamii ngazi ya umma na hali itakayo kuweko huko. Juhudi kijijini kwa kawaida zitaanza kwa kiwango kidogo, labda kwa uibukaji wa vikundi vya marafiki, kila kimoja kikihusika hitaji maalum la kijamii au kiuchumi kilicholibaini na kila kikundi kinafuatilia vifungu vya vitendo vinavyofaa. Ushauriano katika Karamu ya Siku Kumi na Tisa huunda nafasi kwa ajili ya fikra za kijamii zinazoendeela kukua za jumuiya ili iweze kupata utendaji unaojenga. Yeyote iwayo asili ya shughuli zilizobebwa, Baraza la Kiroho la Kijiji lazima limakinike kuwa kuna mitego inayoweza kutokea, na kuwasaidia marafiki ikibidi, kuivuka – mvuto wa miradi mikubwa mno ambayo itachukua nguvu zote na hatimaye itakuwa haiwezekani, vishawishi vya misaada ya kifedha ambayo vingelazimisha kuondoka kwenye kanuni za Kibaha'i, ahadi za kiteknolojia zilizofungashwa kwa uwongo ambazo zingeweza kukivua kijiji urithi wake wa kitamaduni na kupelekea kwenye utengano na mafarakano. Hatimae nguvu za mchakato wa taasisi kijijini, na vipaji vilivyoendelezwa katika watu binafsi, vinaweza kuwawezesha marafiki kufaidika na mbinu na mipango yenye kuhakikishwa ufaaji wao, ambavyo vimekuzwa na asasi moja au nyingine yenye mwelekeo wa Kibaha'i na ambazo zimetambulishwa katika klasta kwa mapendekezo ya, na kwa msaada utokao kwenye, Ofisi yetu ya Maendeleo ya Kijamii na Kiuchumi. Aidha, Baraza linapaswa kujifunza kushughulika na miundo mbinu ya kijamii na kiuchumi katika maeneo, polepole ikiinua fikra za uwepo wa Imani na mchango ya ushawishi wake katika maendeleo ya kijiji.

25. Kilichoelezwa katika vifungu vilivyotangulia huwakilisha sifa chache tu ambazo Mabaraza ya Kiroho ya Kijiji katika vijiji vingi vya ulimwengu vitaendelea kuvikuza katika kuhudumia mahitaji

ya jumuiya zinazokumbatia waumini wengi zaidi na zaidi. Kadri wanavyodhihirisha vipaji na uwezo vilivyomo ndani mwao, wajumbe wake watakuja kuangaliwa na wakaazi wa kila kijiji kama "taa angavu na bustani za mbinguni, ambazo kutoka kwazo manukato ya utakatifu huenezwa katika kanda yote, na miangaza ya ujuzi inayomiminwa juu ya kila kitu kilichoumbwa. Kutoka katika roho ya uhai humwagika kila uelekeo."

26. Taswira ya juu kama hiyo hutumika sawasawa, bila shaka Mabaraza yote ya Kiroho ya Vijiji kote ulimwenguni. Hata katika maeneo ya jiji kubwa, asili ya ukuaji wa Baraza kimsingi ni sawa na maelezo yaliyotolewa hapo juu. Tofauti kikawaida hutokana na ukubwa na utofauti wa wakaazi wake. La kwanza huhitaji mgawanyiko wa maeneo ambayo yako chini ya himaya ya Baraza katika maeneo ya ujirani kufuatana na mahitaji ya ukuaji na utambulishaji wa polepole wa mbinu za utawala wa shughuli za Imani katika kila eneo. La pili huhitaji Mabaraza kuzoeana na fursa nyingi za kijamii, mbele zaidi ya zile za kijografia, ambamo sehemu za umati zinaweza kukutana na kuzipatia, kadri inavyowezekana, busara iliyomo katika mafundisho. Zaidi miundo ya kiasasi katika maeneo ya miji – kijamii, kiuchumi, na kiutamaduni – ambayo pamoja nayo Baraza sharti lijifunze kushughulika na maeneo mapana zaidi na idadi kubwa za watu.

Utumishi katika Asasi za Kibaha'i

27. Katika kuwawekea ndani ya kurasa hizi maendeleo ambayo tunahamu kubwa kuyaona katika kazi za kiutawala za Imani katika Mpango ujao wa Miaka Mitano, tunakumbushwa na tahadhari alizozitoa Mlinzi kuhusu masuala haya. "Inabidi tuwe na tahadhari isijetokea kwamba katika shauku yetu kubwa ya ukamilifu wa chombo cha utawala cha Hoja," alisema "tukapoteza muono wa Kusudi Tukufu ambalo kwalo Hoja imeumbwa." Chombo cha utawala cha Kibaha'i, yeye alikumbusha tena na tena, "kinatakiwa kuangaliwa kama mbinu, na siyo lengo lenyewe." Kimekusudiwa, aliweka wazi, "Kutumikia kusudi lenye sura mbili." Upande mmoja, "Kitazamwe kama kinatakiwa kulenga kwenye upanuzi endelevu unaofanyika polepole" wa Hoja "katika mielekeo ambayo wakati huohuo ni mipana, imara na ya ujumla." Upande wapili, "kinapaswa kuhakikisha uimarishaji wa ndani wa kazi ambazo tayari zimeshakamilishwa." Na aliendelea kueleza, "chombo hiki lazima kilete yote mawili, mwamko ambao kupitia humo nguvu hai zilizomo katika Imani ziweze kukunjuka, kuonekana na kubumba maisha na tabia za watu; na kutumika kama njia ya kubadilishana mawazo na kuratibu shughuli miongoni mwa watu wa asili tofauti ambao hujumuisha jumuiya za Kibaha'i."

28. Ni matumaini yetu ya dhati kwamba, katika juhudi zenu ndani ya kipindi cha Mpango ujao kuendeleza maendeleo imara na yenye upatano ya utawala wa Kibaha'i katika ngazi zote, kutoka kijiji hadi kitaifa, mtafanya kadri muwezavyo kuwasaidia marafiki kutekeleza majukumu yao katika muktadha wa mchakato hai wa ukuaji unaozidi kuongeza mwendo kila mahali katika dunia. Ushuhudiaji wa tumaini hili utaunganisha, kwa kiwango kikubwa, kwa kiwango ambacho wale ambao wameitwa kutoa huduma kama hii – ikiwa ni kwa kuchaguliwa katika Baraza la Kiroho au kutajwa kama mmoja wa mawakala wake, ikiwa wamepangiwa kuwa waratibu wa taasisi, au kama mmoja wa wasaidizi wenu – kutambua heshima kubwa ambayo ni yao na kuelewa mipaka inayowawekea heshima hii.

29. Utumishi katika asasi na wakala wa Imani hakika ni heshima kubwa lakini siyo ambayo hutafutwa na mtu binafsi; ni jukumu na wajibu ambao kwao huenda yeye ataitwa kutumikia wakati wowote. Inaeleweka, bila shaka, kwa wote wale wanaohusika na utawala wa Kibaha'i watahisi bila kukosea kuwa wamepewa heshima ya kipekee katika kuwa sehemu, kwa vyovyote vile, ya muundo uliokusudiwa kuwa njia ambamo kupitia humo roho ya Hoja hutiririka. Bado, hata

hivyo hawapaswi kufikiria kuwa utumishi kama huo unawapa mamlaka ya kutenda pembeni mwa mchakato wa ujifunzaji ambao kila mahali unaendelea kupata nguvu zaidi, bila kubanwa na vigezo vyake mahususi. Wala isifikiriwe kuwa ujumbe huo katika vyombo vya utawala hutoa fursa za kujiendeleza uelewa wake binafsi wa kile kilichoandikwa katika Maandiko Matakatiifu na jinsi mafunzo yanavyoweza kutekelezwa, kuiongoza jumuiya kuelekea upande wowote nafsi yake inayofurahia. Kurejea kwa wajumbe wa Mabaraza ya Kiroho, Mlinzi aliandika kwamba lazima “wapuuzie kabisa matakwa yao wenyewe na chuki zao wenyewe, maslahi yao binafsi na mielekeo, na kukazia akili zao juu ya vipimo vile ambavyo vitaendeleza ustawi na furaha za jumuiya za Kibaha’i na kukuza kusudi la pamoja.” Asasi za Kibaha’i zina mamlaka ya kuiongoza marafiki, kutia ushawishi wa kimaadili, kiroho na kiakili katika maisha ya watu binafsi na jumuiya. Hata hivyo, utendaji kama huo unatakiwa kufanywa kwa utambuzi kuwa falsafa ya utumishi wenye upendo imejaa ndani ya utambulisho wa kiasasi wa Kibaha’i. Mamlaka ilinganishayo na inayoshawishi kwa njia hii humaanisha kutoa dhabihu kwa upande wa wale waliokabidhiwa kazi ya kuendesha shughuli za Imani. Je, Abdu’l-Baha hakutuambia kuwa “kipande cha chuma kinapowekwa motoni sifa zake nyeusi za kichuma, baridi na ngumu, ambazo huwakilisha tabia za ulimwengu wa wanadamu, hufichwa na kupotea, ambapo sifa dhahiri za moto za wekundu, joto, na umiminikaji ambavyo huwakilisha sifa za Ufalme, huonekana ndani yake.” Alivyoeleza, “katika suala hili ninyi mnapaswa – yaani, katika kutumikia jamii ya binadamu– wekeni kando maisha yenu, na wakati mnajinyenyekeza, furahini.”

30. Marafiki wapendwa sana; Kama mjuavyo vyema, tunafurahi sana katika kushuhudia jinsi mlivyoweza kwa umahiri mkubwa, ninyi na wasaidizi wenu, mkitoa huduma katika safu za mbele kabisa za uga wa ufundishaji, kutekeleza majukumu yenu kulea katika kila moyo na roho moto wa upendo wa Mungu, kuendeleza ujifunzaji, na kuwasaidia wote katika jitihada zao za kukuza tabia adilifu na stahiki. Jumuiya ya Marekani ya Kaskazini ilipoanza Mpango wa Miaka Saba, katika kutimiza majukumu iliyokuwa imepewa katika Nyaraka za Mpango Mtakatifu, Mlinzi aliwatumia marafiki katika nchi hiyo barua ndefu haswa na yenye nguvu, ya tarehe 25 Desemba 1938, baadae barua hiyo ilichapishwa chini ya kichwa cha kitabu “Ujio wa Haki Tukufu”. Ikieleza juu ya asili ya shughuli zilizopo mikononi, barua ilirejea kwenye kile ambacho Mlinzi alikieleza kuwa, “Vigezo vya kiroho kwa ajili ya mafanikio ya shughuli zote zinazofanywa za Kibaha’i. kutokana na hizi, tatu, yeye alizionesha, “zinajitokeza kama bora kabisa na muhimu: uadilifu wa tabia na usafi wa maisha matakatiifu na uhuru kutokana na ubaguzi. Kufuatana na hali ya ulimwengu wa sasa, mtafanya vizuri kutakari juu ya matokeo ya maelezo yake juu ya juhudi za utandawazi za jumuiya ya Kibaha’i za kujaza kila klasta hadi klasta roho ya Ufunuo wa Baha’u’llah.

31. Akirejea kwenye unyoofu wa tabia, Shoghi ffendi aliongelea “haki, usawa, ukweli, kusadikika, kutopendelea, utegemevu, na kuaminika” vitu ambavyo sharti vianishe kila awamu ya maisha ya jumuiya ya Kibaha’i.” Ingawa vyahusu wajumbe wote, vigezo hivi vilielekezwa haswa, alivyoelewa, kwa wale wawakilishi waliochaguliwa, “kama ni mahali, kikanda au kitaifa”, ambao hisia zao za unyoofu wa kimaadili unapaswa kuonekana wazi kulinganisha na “vishawishi vinavyo katisha tamaa ambavyo maisha ya kisiasa yenye kujaa ubovu yanavyodhihirisha kinaga ubaga”. Mlinzi alitoa wito wa “hisia inayodumu ya haki isiyopinda” katika “ulimwengu ambao kwa kushangaza, umevurugika” na alinukuu sana kutoka Maandiko ya Baha’u’llah na Abdu’l-Baha, akielekeza mtazamo wa marafiki kwenye viwango vya juu kabisa vya ukweli na uaminifu. Aliwaomba waumini kuonesha mfano wa unyoofu wa tabia katika kila sura ya maisha yao – katika mahusiano ya biashara zao, katika maisha ya nyumbani, katika kila aina ya ajira, katika kila huduma waitoayo kwa Hoja na kwa watu wao. – na kufuata masharti yake katika ushikiliaji wa msimamo usioyumba kwa sheria na kanuni za Imani. Ya kwamba maisha ya kisiasa kila mahali yameendelea kumomonyoka kwa kasi ya kutisha katika miaka iliyopita, jinsi lile wazo lenyewe la

mabingwa wa uongozi wa kiserikali limeondolewa maana, jinsi sera zinavyo tumikia maslahi ya kiuchumi ya wachache katika jina la maendeleo, jinsi unafiki ulivyoruhusiwa kudhoofisha utendaji wa miundo ya kijamii na kiuchumi, ni dhahiri. Kama kwa uhakika, juhudi kubwa ilihitajika kutoka kwa marafiki kuinua viwango vya juu vya Imani wakati ule, sembuse sasa ni kubwa kiasi gani jitihada inayotakiwa katika ulimwengu ambao unatuzawadia udanganyifu, unaohamasisha uharibifu, na unaoutendea ukweli kama kitu cha kuweza kujadili. Vurugu ni kubwa, inayotishia misingi ya jamii, na uamuzi wa wote wale wanaoshughulika na masuala ya Kibaha'i sharti usiyumbe, isijetokea kuwa dalili ndogo kabisa ya ubinafsi ikatia giza maamuzi yao. Waratibu wa kila taasisi ya mafunzo, wajumbe wa Kamati za Ufundishaji za Maeneo, kila Mshauri Msaidizi na wasaidizi wake, na wajumbe wote wa kila chombo cha Kibaha'i cha mahali, kikanda na kitaifa, kama kimechaguliwa au kimeteuliwa, lazima wote wakubali maana ya ombi la Mlinzi kutafakari mioyoni mwao matokeo ya unyoofu wa tabia zao ambao ameueleza kwa uwazi kabisa. Tunawaomba kuwa vitendo vyao vitumike kama ukumbusho kwa ulimwengu ulio elemewa na uliochoka hatima yake ya juu na ubora wake wa asili.

32. Hakuna mafanikio madogo yasiyofaa katika mafanikio ya mpango kabambe hivi leo ni mapendekezo wazi ya Mlinzi juu ya umuhimu wa maisha safi na matakatifu, "kwa matokeo yake ya unyenyekevu, usafi, ukadirifu, staha, na akili-safi." Alisema kwa lugha yenye uhakika usiobadilika, akiwaita marafiki kwa maisha ambayo hayachafuliwi na "mambo ya aibu, uovu, viwango vya uwongo, ambavyo mfumo wa kimsingi ulioharibika wa kimaadili unavikubali, haviendelea na kuvilea." Hatuna haja ya kuwapatia hapa ushahidi wa athari zitokanazo sasa katika mfumo mbovu kama huu juu ya jamii ya wanadamu kwa ujumla; hata sehemu za mbali kabisa juu ya dunia zinashikwa na vishawishi vyake. Hata hivyo sisi tunalazimika kutaja mambo machache yahasuyo haswa mada ya usafi. Majeshi yanayofanya kazi juu ya mioyo na akili za vijana, ambao Mlinzi anawelenga katika maombi yake ya dhati, kwa kweli ni hatari mno. Maombi ya kuwahamasisha kuendelea kuwa wasafi na watakatifu yatafanikiwa kwa kiwango kilicho na mipaka katika kuwasaidia kuyakataa majeshi haya. Kinachotakiwa kuzingatiwa katika muktadha huu ni kadri akili ya vijana inavyo athiriwa na chaguzi za wazazi wao kwa ajili ya maisha yao wenyewe, ambapo, haidhuru kuwa siyo kwa makusudi, ya kwamba hakuna nia mbaya, chaguzi hizi huruhusu vishawishi vya ulimwengu – ushabikaji wake kwa uwezo, uabudu wake wa wadhifa, upendo wake kwa starehe, mshikamano wake kwa mambo ya kipuuzi, utukuzaji wake wa vurugu na ukali na upaniaji wake wa kujiridhisha nafsi. Sharti itambuliwe kuwa utengano na ukataji tamaa ambao huwasumbua watu wengi ni mazao ya mazingira ambayo hutawaliwa na upendaji wa vitu vya kimwili ulioenea kote. Na katika hili marafiki waelewe matawi /vipengele ya tamko la Baha'u'llah kwamba, "utaratibu wa sasa" lazima "ukunjwe, na ule mpya ukunjuliwe badala yake." Kila mahali ulimwenguni leo, vijana ni miongoni mwa wasaidizi wenye shauku wa Mpango na mabingwa wenye shauku ya Hoja; idadi zao kwa uhakika, zitaongezeka mwaka hadi mwaka. Tunawaomba kila mmoja wao aweze kujua neema za maisha yaliyopambwa na usafi na kujifunza kuchota kutoka uwezo unaopitia katika njia zilizo safi.

33. Mlinzi halafu alishughulikia suala la ubaguzi, akisema kwamba "utengano wowote au uachanaji" katika safu za Imani "ni mbali na kusudi lake la msingi, kanuni, na mawazo." Ameweka wazi kwamba marafiki lazima waoneshe "uhuru kamili kutoka ubaguzi katika utendaji wao na watu wa mbari tofauti, tabaka, dini, au rangi" aliendelea kuongelea kwa urefu suala maalum la ubaguzi wa kimbari, "ambao umomonyokaji wake" alieleza, ume "tafuna hali ya utu, na kushambulia muundo mzima wa jamii ya Kimarekani" na ambao, alitilia mkazo wakati huo "na lazima lichukuliwe kama suala lenye changamoto muhimu na kubwa kabisa linaloikabili jumuiya ya Wabaha'i katika hatua ya sasa ya ukuaji endelevu." Huru kutoka kwa uwezo na udhaifu wa maamuzi yaliyofanywa na taifa la Kimarekani, na jumuiya za Kibaha'i zinazoendelea kukua humo,

katika kukabiliana na changamoto hiyo, bado linaendelea kuwepo suala la ubaguzi wa kila aina - wa kimbari, kitabaka, kidini, kikabila au kijinsia - huendelea kushikilia kwa nguvu juu ya jami ya wanadamu. Wakati ni kweli kwamba, katika ngazi ya mazungumzo ya umma, hatua kubwa zimepigwa katika ukataaji wa uwongo ambao huibua ubaguzi katika mfumo wowote, bado ungalimo katika miundo ya jamii na kutiliwa mkazo kiutaratibu juu ya akili hai ya watu binafsi. Sharti iwe wazi kuwa kwa yote yale yaliyoanzishwa na mchakato kupitia milolongo ya Mipango ya kiulimwengu hutafuta, katika njia na mbinu inazoichukuwa , kujenga uwezo katika kila kikundi cha watu, bila kujali tabaka, au chimbuko la kidini, bila kufuatilia ukabila au mbari, bila kuangalia jinsia au wadhifa wa kijamii, kuinuka na kuchangia katika maendeleo ya ustaarabu. Tunasali kwamba, kadri ukunjukavyo kwa uthabiti, umuhimu wake wa kulemaza kila chombo kilichoundwa kibinadamu katika kipindi kirefu cha uchanga wake cha kundi moja kugandamiza lingine vinaweza kudhihirika.

34. Mchakato wa kielimu uhusiano na taasisi ya mafunzo bila shaka, unasaidia kulea hali za kiroho ambazo Mlinzi alikuwa anaziongelea katika *Ujio wa Haki Tukufu*, pamoja na mengine mengi yaliyotajwa katika maandiko ambayo sharti yaanisha maisha ya jumuiya ya Kibaha'i – roho ya umoja ambayo sharti iwahushe marafiki, mafunzo ya upendo ambayo huwaunganisha, uthabiti katika agano Agano ambao lazima wau dumishe, na utegemeaji na imani ambayo wanapaswa kuweka juu ya msaada wa uwezo mtakatifu- kutaja machache tu. Ya kwamba sifa hizi muhimu zinakuzwa katika muktadha wa kujenga uwezo wa utumishi, katika mazingira kama haya ambayo hukuza utendaji wa kimpangilio, ni jambo mahususi la kuzingatiwa. Katika kuendeleza mazingira haya, Washauri Wasaidizi na wasaidizi wao huhitaji kutambua umuhimu wa wazo la kimsingi lenye sura mbili zifungamanazo: kwa upande mmoja, kiwango cha juu cha tabia kilicholetwa na Ufunuo wa Baha'u'llah ambao haukubali muafaka wowote; hakiwezi kamwe, kwa vyoyote, kushushwa, na wote lazima wakazie macho yao juu ya vilele vyake vya juu kabisa. Kwa upande mwingine lazime ikubaliwe kuwa, kama wanadamu, sisi tu mbali sana kuwa wakamilifu; kinachotegemewa kwa kila mmoja ni juhudi za dhati za kila siku. Kujiamini sana kuwa sahihi kila wakati lazima kutengwe.

35. Mbali na mahitaji ya kiroho ya maisha matakatiifu ya Kibaha'i, zipo tabia za kufikiri ambazo huathiri ukunjukaji wa Mpango wa kidunia, na maendeleo yao lazima yatiwe moyo kwenye ngazi tamaduni. Vilevile ipo mielekeo, ambayo inahitaji kuondolewa polepole. Kiasiki kubwa cha mielekeo hii huimarishwa na njia zilizoenea katika jamii kwa ujumla, ambazo, bila kukusudia kabisa, huingia katika shughuli za Kibaha'i. Ukubwa wa changamoto inayowakabili marafiki katika hali hii haijatutoka kiroho. Wanaitwa kujishughulisha zaidi katika maisha ya kijamii, wakifaidika kupitia mipango yake ya kielimu, wakifuzu katika biashara zake na stadi, wakijifunza kutumia vyema nyenzo zake, na kujishughulisha na maendeleo ya Sanaa zake na sayansi. Wakati huo huo, kamwe hawapotezi taswira ya kusudi la Imani kuathiri mabadiliko ya jamii, kubumba upya asasi zake na michkato, katika kiwango ambacho hakijawahi kushuhudiwa kamwe. Kwa hatima hii, sharti waendele kutambua kwa umakini mapungufu ya mifumo ya hivi sasa ya fikra na utendaji – hili, bila kujikweza kwa kiwango chochote, bila kujifanya wasiri au wasiojali, na bila kuchukua mwelekeo usiohitajika wa ukosoaji kuelekea jamii. Yapo mambo machache mahususi ambayo tunapenda kuyataja katika muktadha huu.

36. Inatia moyo kutanabahi kuwa marafiki wanayaendea mafunzo ya jumbe za Nyumba ya Haki ya Ulimwengu zihusuzo Mpango huu kwa bidii kubwa. Kiwango cha majadiliano kinachopatikana humo kadri wajitahidivyo kuweka katika vitendo muongozo uliopokelewa, na kujifunza kutokana na tajiriba, kinaridhisha. Hata hivyo hatunabudi kuona, kuwa mafanikio yaliyopatikana huhitaji kuwa ya kudumu zaidi katika maeneo yale ambako marafiki hujitahidi kuelewa ujumla wa taswira iliyoelezwa katika jumbe, ambapo matatizo aghalabu hutokea wakati virai na sentensi

zinachukuliwa nje ya muktadha na kuonekana kama sehemu zilizo jitenga. Asasi na mawakala wa Imani sharti wawasaidie waumini kuchambua lakini siyo kupunguza, kutafakari maana lakini siyo kuishi kwa maneno, kubaini maeneo maalum ya utendaji bila kuyagawa katika visehemu vidogo. Tunatambua kuwa hii si kazi ndogo. Jamii huongea zaidi na zaidi katika kaulimbiu. Tunatumaini kuwa tabia za marafiki zinazoundwa katika vikundi vya mafunzo zitafanya kazi kwa mawazo kamilifu na ya mchnganyiko na kupata uelewa zitapelekwa kwa sehemu tofauti za shughuli.

37. Ikihusiana kwa karibu na tabia ya kupunguza dhamira nzima katika sentensi moja au mbili zinazovutia ni mwelekeo wa kuona migawanyiko isiyopatana ambapo kwa ukweli haipo. Ni muhimu kuwa mawazo yanayokuwa sehemu ya ujumla ambatanishi yasichukuliwe moja dhidi ya mengine. Katika barua iliyoandikwa kwa niaba yake Shoghi Effendi alionya: "sharti tuyachukue mafundisho kwa ukubwa na sawia na tusitafute matamko mawili yenye maana tofauti na kuyagonganisha moja dhidi ya jingine; mahali fulani hapo katikati kuna viungo vinachounganisha matamko hayo mawili." Tumehamasika kiasi gani kutanabahi kuwa kutoelewana kwa siku zilizopita kwa sehemu kubwa kumeondoka kadri uthamini wa majaliwa ya mpango yamekuwa. Upanuzi na uimarishaji, utendaji wa mtu binafsi, na kampeni za pamoja; unadhifu wa tabia za ndani na kujitoa kwa utumishi usiokuwa na ubinafsi – uhusiano wenye upatano kati ya sura mbalimbali za maisha ya Kibaha'i sasa unakubaliwa kwa furaha. Hali kadhalika tunafurahia kujua kuwa marafiki wanakuwa makini kwamba, ili migawanyiko mipya ya kiuwongo isijeruhusiwa kuingia katika fikra zao. Wao wanatambua kabisa kuwa mambo tofauti ya mpango wa ukuaji yanakamilishana. Jamii huepukana na mwelekeo wa kuziona shughuli na mawakala zinazozihimili, kuwa zinashindana miongoni mwao, mwelekeo ulioenea katika jamii kwa ujumla.

38. Hatimaye maendeleo ya maana katika utamaduni, ule ambao tumeufuatilia kwa shauku maalum, yamewekewa alama kwa mwongezeko wa uwezo wa kufikiri katika njia ya mchakato. Ya kwamba waumini wameombwa kuwa makini tangu awali kuhusu michakato mipana inayoeleza utendaji wao, ni dhahiri kutokana na usomaji makini wa hata mawasiliano ya zamani ya Mlinzi yanayohusiana na mipango ya kwanza ya kitaifa ya Imani. Hata hivyo, katika ulimwengu ambao umelenga zaidi na zaidi juu ya uendelezaji wa matukio, au kwa miradi iliyo bora kabisa, kwa mwelekeo wa kiakili ambao huridhika kutokana na hisia ya matarajio na msisimko unaopatikana humo, udumishaji wa kiwango cha kujitolea kunakohitajika kwa ajili ya utendaji wa muda mrefu hudai juhudi kubwa sana. Upanuzi na uimarishaji wa jumuiya ya Kibaha'i huzingira idadi ya michakato inayoingiliana, ambayo kila mojawapo huchangia hisa yake kwa usogeaji wa jamii ya wanadamu kuuelekea muono wa Baha'u'llah wa Utaratibu Mpya wa Ulimwengu. Njia za utekelezaji kwa kuhusiana na mchakato wowote ule huyapatia maandalizi ya matukio maalum, ya mara kwa mara, shughuli ambazo huchukua umbile la mradi wenye mwanzo unaoonekana wazi na mwisho dhahiri. Lakini hata hivyo, ikiwa matukio yanalazimishwa juu ya ukunjukaji wa kawaida wa mchakato mmojawapo, yatavuruga ukuaji wake endelevu ulio madhubuti. Ikiwa miradi iliyoanzishwa katika klasta mojawapo haitasaidia mahitaji mahususi ya michakato inayokunjuka pale, itazaa matunda machache.

39. Ili kuelewa asili ya michakato inayoingiliana ambayo, katika ujumla wake, huleta upanuzi na uimarishaji wa Imani ni muhimu sana kwa utekelezaji wenye mafanikio wa Mpango. Katika juhudi zenu kuendeleza uelewa kama huo, ninyi na wasaidizi wenu mnashajihishwa kuweka akilini wazo lililopo kwenye msingi wa mradi wa sasa hivi wa kidunia na, kwa uhakika, kwenye moyo wenyewe wa kila ngazi ya Mpango Mtakatifu, yaani, mafanikio hayo hupatikana kupitia ukuzaji wa washiriki watatu – mtu binafsi, asasi, na jumuiya. Katika historia nzima ya wanadamu, miingiliano miongoni mwa hawa watatu imesakamwa na matatizo kila kona, pamoja na mtu

binafsi anayedai uhuru wake, asasi zinazodai utiifu, na jumuiya inayodai kipaumbele. Kila jamii imeeleza, kwa njia moja au yingine, mahusiano ambayo huwafungamanisha watatu hao, ikiinua kipindi cha uimara, uliosukwa na machafuko. Leo, katika zama hizi za mpito, kadri jamii ya wanadamu inavyohangaika kupata ukomavu wa pamoja, mahusiano kama hayo – la, utungo wenyewe wa mtu binafsi, wa asasi za kijamii, na za jumuiya – huendelea kukabiliwa na hatari ambazo ni nyingi mno kuweza kuhesabika. Mgogoro wa mamlaka duniani kote hutoa ushahidi wa kutosha. Matumizi yake mabaya yamekuwa mazito sana, na wasiwasi wa kina na chuki yanayoibua, kiasi kwamba ulimwengu unaendelea kuwa mgumu sana kutawaliwa – hali ambayo inaongeza kuwa ya hatari kwa kudhoofika kwa mahusiano ya jumuiya.

40. Kila mfuasi wa Baha'u'llah anajua vizuri kuwa kusudi la Ufunuo Wake ni kuufanya uwepo muumbo mpya. Mara baada ya "kutolewa Wito wa Kwanza kutoka midomo yake muumbo wote ulipinduliwa, na wote waliomo mbinguni na wote waliomo duniani waliguswa katika vina vyao." Mtu binafsi, asasi, na jumuiya – manguli watatu katika Mpango Mtakatifu – wanaendelea kupata umbile chini ya mvuto wa Ufunuo Wake. Mahusiano yanayowaunganisha, pia, yanapitia mabadiliko makubwa, yakileta katika ulimwengu wa uwepo nguvu za kujenga ustaarabu ambazo zinazaweza kufunguliwa tu kupitia utii kwa amri Zake. Katika kiwango cha kimsingi, mahusiano haya yameainishwa na ushirikiano na kupeana, madhihirisho ya uunganikaji amabo huutawala muumbo wote. Ndivyo ilivyo kwamba mtu binafsi, bila kujali "faida zake binafsi na maslahi yake ya kibinafsi," kufikia kujiona kuwa "mmoja wa watumishi wa Mungu, Mwenye kumiliki yote," ambaye shauku yake moja ni kutekeleza sheria Zake. Ndivyo hivyo marafiki hupata kutambua kuwa utajiri wa kihisia, wingi wa wema na juhudi" ni vitu ambavyo havisaidii hata kidogo kama mtiririko wao haukuelekezwa kwenye mifereji inayofaa, ya kwamba "uhuru usiodhibitiwa wa mtu binafsi unaweza kutulizwa na "ushauriano na kujitolea," na kwamba "roho ya kujituma na kushughulika inaweza kuimarishwa kwa utambuzi wa kina zaidi wa mahitaji makubwa kabisa ya upatikanaji wa utendaji thabiti na ibada kamili zaidi kwa ajili ya faida ya wote." Na ndivyo ilivyo kwamba wote wanafikia kuona kwa urahisi maeneo yale ya utendaji ambamo mtu binafsi anaweza kutumia ubunifu wake na zile ambazo zinaangukia asasi peke yake. "Kwa moyo na roho," marafiki hufuata maagizo ya asasi, ili, kama Abdu'l-Baha anavyoeleza, "mambo yaweze kuwekwa ipasavyo na kupangwa vyema." Hii bila shaka, siyo utii usioona; ni utiifu unaweka alama uibukaji wa mbari wa watu waliokomaa ambao huelewa matokeo ya utaratibu ambao unafika mbali kama ule wa Utaratibu wa Ulimwengu wa Baha'u'llah.

41. Na wale wanaoitwa kutoka kwenye safu za roho zilizohuishwa kama hizo kutumikia katika asasi za utaratibu wenye uwezo huelewa vizuri maneno ya Mlinzi kwamba utendaji wao siyo kuamisha bali kushauriana, na kushauriana siyo tu miongoni mwa marafiki wenyewe, lakini kadri iwezekanavyo pamoja na marafiki wanao wawakilisha." "Kamwe" wanaweza kujiruhusu "kupelekewa kudhani kwamba wao ni mapambo ya kati ya mwili wa Hoja, kimsingi wakiwa bora kuliko wengine katika uwezo au wenye kustahili, na waendelezaji pekee wa mafundisho yake na kanuni." "Kwa unyenyekevu mkubwa," wao huyaendea majukumu yao na "hujitahidi, kwa uwazi wa akili zao, hisia zao za juu za haki na wajibu, uwazi wao, upole wao, kujitolea kwao kabisa kwa usitawi na maslahi ya marafiki, ya hoja, kwa jamii ya wanadamu, kupata, siyo imani yao tu mihimili ya kweli na heshima ya wale ambao wao huwatumikia, lakini pia heshima yao na upendo wa kweli." Ndani ya mazingira ambayo yametengenezwa hivyo, asasi zilizopewa mamlaka hujiona kuwa ni vyombo kwa ajili ya kulea uwezo uliomo ndani ya watu, wakihakikisha ukunjukaji wake kupitia njia zinazoza na ni stahiki.

42. Ikijumuishwa na watu binafsi kama hawa na asasi kama hizi, jumuiya ya Jina Kuu Kabisa hugeuka kuwa uga ulijazwa roho ambamo uwezo huongezeka katika utendaji uliunganishwa.

Abdu'l-Baha huandika kuhusu jumuiya hii, "wakati roho zozote zinapogeuka kuwa waumini wa kweli, watapata uhusiano wa kiroho mmoja kwa mwingine, na kuonesha upole ambao sio wa ulimwengu huu. Wao wote watachangamshwa na fundi la upendo wa kiroho na muungano wao ule, ushikanaji wao, pia utadumu milele. Yaani roho ambazo zitajikabidhi kwa utupu, kujivua mapungufu yote ya jamii ya wandamu, na kufungua minyororo yao wenyewe kutoka kifungo cha utu, bila shaka yoyote wataangazwa kwa uzuri wa mbinguni wa umoja na watapata muungano halisi katika ulimwengu usiokufa."

43. Kadri roho pokevu zaidi na zaidi ziendeleavyo kukumbatia Hoja ya Mungu na kutupa bahati yao pamoja na wale ambao tayari wanashiriki katika shughuli za utandawazi zinaoendelea, maendeleo na utendaji wa mtu binafsi, asasi na jumuiya bila shaka zitapokea msukumo mkubwa kwenda mbele. Iache jamii ya wanadamu iliyovurugwa ione katika mahusiano yanayoundwa na wafuasi wa Baha'u'llah, miongoni mwa manguli hawa watatu, ruwaza ya maisha ya pamoja ambayo yataisukuma mbele kuelekea hatima yake ya juu. Hii ndiyo dua yetu ya dhati katika Makaburi Matakatifu.

Nyumba ya Haki ya Ulimwengu